



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Nezavisni odbor

Broj: 01-04-101-*54-1* /24

Sarajevo, 30.10.2024. godine

SKUPŠTINA KANTONA SARAJEVO

O V D J E

PREDMET: Izvještaj o radu Nezavisnog odbora za period juli-decembar 2023. godine - dostavlja se;

Nezavisni odbor na sjednici održanoj dana 30.10.2024. godine razmatrao je Izvještaj o radu Nezavisnog odbora za period juli-decembar 2023. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.

PREDSJEDAVAJUĆI NEZAVISNOG ODBORA

Adis Šečić





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Skupština Kantona Sarajevo na sjednici održanoj dana _____, 2024. godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period juli-decembar 2023. godine.

Broj: 01-04- _____ /24
Sarajevo, __. __. 2024. godine

**PREDSJEDAVALAČI
SKUPŠTINE KANTONA SARAJEVO**

Elvedin Okerić

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period juli – decembar 2023. godine

Sarajevo, oktobar 2024. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

3/23

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19 , 31/19 i 39/20) i člana 8. stav 9. Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana 30.10.2024. godine, Skupštini Kantona Sarajevo, podnosi;

IZVJEŠTAJ **o radu Nezavisnog odbora za period juli – decembar 2023. godine**

I - Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu juli - decembar 2023. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

4/23

II – Normativni dio

Tokom izvještajnog perioda Nezavisni odbor je sačinio:

- Izvještaj o radu Nezavisnog odbora za period januar-juni 2023.godine i isti uputio Skupštini Kantona Sarajevo;
- Detaljan tromjesečni Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2023. godine, i uputio ga Skupštini Kantona Sarajevo ;
- Detaljan tromjesečni Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01.april-30. juni 2023. godine, i uputio ga Skupštini Kantona Sarajevo;
- Detaljan tromjesečni Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli-30. septembar 2023.godine, i uputio ga Skupštini Kantona Sarajevo.

S obzirom da je detaljan tromjesečni izvještaj o radu Policijskog Komesara Uprave policije Ministarstva unutrašnjih poslova Kantona Sarajevo materijal informativnog karaktera, isti nisu razmatrani na sjednici Skupštine Kantona Sarajevo.

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka i iste razmatrao, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 6 redovnih sjednica.

DEVETNAESTA SJEDNICA (20.07.2023. godine)

Devetnaesta sjednica Nezavisnog odbora, održana je dana 20.07.2023. godine u prostorijama Skupštine Kantona Sarajevo, i sjednici je prisustvovalo 6 članova Nezavisnog odbora, dok je Predsjedavajući Šečić Adis opravdao svoje odsustvo. Sjednici je prisustvovao i Policijski Komesar Fatmir Hajdarević.

Predložen je Dnevni red:

1. Usvajanje Zapisnika sa 18. sjednice Nezavisnog odbora broj:01-04-476-18/23;
2. Usvajanje Zapisnika Nezavisnog odbora o toku postupka izbora policijskog komesara Ministarstva unutrašnjih poslova Kantona Sarajevo broj:01-04-19558-3-2/23;



3. Upoznavanje Nezavisnog odbora sa Odlukom Vlade Kantona Sarajevo o imenovanju policijskog komesara Ministarstva unutrašnjih poslova Kantona Sarajevo, broj:02-04-29347-15/23 od 22.06.2023.godine;
4. Informacija o aktivnostima Uprave policije MUP KS za maj 2023. godine;
5. Informacija o aktivnostima Uprave policije MUP KS za juni 2023. godine;
6. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (6/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Zamjenik predsjedavajućeg u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 18. sjednice Nezavisnog odbora broj: 01-04-476-18/23

Zamjenik Predsjedavajućeg je stavio na glasanje prijedlog o usvajanju Zapisnika sa 18. sjednice Nezavisnog odbora broj:01-04-476-18/23 od 09.06.2023.godine, te se konstatuje da je Zapisnik sa 18. sjednice Nezavisnog odbora jednoglasno usvojen (6/6 ZA).

AD-2.- Usvajanje Zapisnika Nezavisnog odbora o toku postupka izbora policijskog komesara Ministarstva unutrašnjih poslova Kantona Sarajevo broj:01-04-19558-3-2/23

Zamjenik Predsjedavajućeg je stavio na glasanje prijedlog o usvajanju Zapisnika Nezavisnog odbora o toku postupka izbora policijskog komesara Ministarstva unutrašnjih poslova Kantona Sarajevo broj: 01-04-19558-3-2/23, te se konstatuje da isti jednoglasno usvojen (6/6 ZA).

AD-3.- Upoznavanje Nezavisnog odbora sa Odlukom Vlade Kantona Sarajevo o imenovanju policijskog komesara Ministarstva unutrašnjih poslova Kantona Sarajevo, broj:02-04-29347-15/23 od 22.06.2023.godine

Zamjenik predsjedavajućeg Nezavisnog odbora Esad Solak je upoznao prisutne članove sa Odlukom Vlade Kantona Sarajevo o imenovanju policijskog komesara Ministarstva unutrašnjih poslova Kantona Sarajevo, broj:02-04-29347-15/23 od 22.06.2023.godine, koja je objavljena u „Službenim novinama Kantona Sarajevo“ broj:28/23 od 29.06.2023.godine.

AD-4.- Informacija o aktivnostima Uprave policije MUP KS za maj 2023. godine

AD-5.- Informacija o aktivnostima Uprave policije MUP KS za juni 2023. godine

U 16:45 sati na sastanak je pristupio Fatmir Hajdarević, policijski komesar

Zamjenik predsjedavajućeg Nezavisnog odbora je u svoje ime i u ime ostalih članova čestitao na imenovanju policijskom komesaru i zaželio mu uspješan rad.

Policijski komesar Fatmir Hajdarević je u okviru tačke Informacija o aktivnostima Uprave policije MUP KS za maj 2023. godine izdvojio akcije: „Sultan“, „Start“, „Vizionar“ i hapšenje bivšeg Općinskog načelnika Ilidže i ambasadora BiH u Maleziji Senaida Memića. Po nalogu Kantonalnog tužilaštva Kantona Sarajevo Uprava policije je sama provodila prethodno navedene akcije.



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-055, Fax: + 387 (0) 33 562-210
 Web: <http://skupstina.ks.gov.ba>
 E-mail: skupstina@skupstina.ks.gov.ba

Uprava policije je počela sa provođenjem akcije „DŽEP“ u cilju smanjenja džeparenja. U nastavku policijski komesar je članove Nezavisnog odbora informisao da su sklopljeni ugovori za nabavku tri (3) oklopna vozila.

Na pitanje člana Nezavisnog odbora Branislava Bunjevca u kojoj je fazi postupak unapređenja policijskih službenika u čin „samostalni inspektor“ policijski komesar je odgovorio da se čeka da se Vlada izjasni o sukobu interesa policijskog službenika Almira Pašića. Policijski komesar je odgovorio za koja radna mjesta je već potpisao unapređenja policijskih službenika.

Član Nezavisnog odbora Kenan Kapo je istakao da bi se rezultati akcija koje je policijski komesar spomenuo mogle pripisati dobroj saradnji Uprave policije i nadležnih tužilaštava, odnosno planiranju policijskog komesara.

Policijski komesar je istakao da je donio Plan o blokadi Grada, a Policijski službenik Mevludin Halilović će dobiti naredbu da uradi probnu akciju.

Nezavisni odbor je primio k znanju Informaciju o aktivnostima Uprave policije MUP KS za maj 2023. godine.

S obzirom da je Informacija o aktivnostima Uprave policije MUP KS za juni 2023. godine dostavljena Nezavisnom odboru nakon zakazivanja ove sjednice, te ista nije navedena u Pozivu Nezavisni odbor je odlučio da Informaciju razmatra na sljedećoj svojoj sjednici.

Nezavisni odbor je naložio Policijskom komesaru da dostavi Izvještaj o svom radu za period april-juni 2023.godine.

U nastavku sjednice članovi Nezavisnog odbora su diskutovali na koji način se može poboljšati pripremanje izvještaja o aktivnostima Uprave policije.

Na konstataciju zamjenika predsjedavajućeg Nezavisnog odbora Esad Solak da informacije sadrže goleme statističke podatke, a nema obrazloženja rezultata, član Jasmin Idrizović je odgovorio da su informacije sačinjene na osnovu federalnog propisa. Slaže se da informacija ne treba da bude skup statističkih podataka već treba da sadrži stvarne rezultate. Nezavisni odbor bi trebao uputiti akt Policijskom komesaru kojim se definiše šta izvještaj o aktivnostima Uprave policije na mjesečnom nivou treba da sadrži.

Esad Solak je istakao da pola aktivnosti Jedinice za profesionalne standarde nisu sadržane u informaciji. U informaciji za maj 2023.godine nisu navedene akcije koje je Policijski komesar danas spomenuo.

Na pitanje gosp. Jasmina Idrizovića koje bi rezultate trebalo definisati kod Jedinice za profesionalne standarde članica Nezavisnog odbora Mineta Hrvat je odgovorila da bi rezultat mogao biti broj okončanih postupaka.

Esad Solak je istakao da se nigdje u informaciji ne može vidjeti šta je poduzeto po „osnovanim“ žalbama.



Gosp. Jasmin Idrizović je mišljenja da mora postojati mjesečni plan aktivnosti kako bi se mogao mjeriti rezultat. U izvještajima trebaju biti navedeni rezultati planiranih i ad hoc akcija. Nezavisni odbor treba definisati šta traži od Uprave policije da bi se na osnovu provedenih aktivnosti moglo reći da li se dobro radi ili ne. Informacija koja ide Federalnoj upravi policije neka ide u formi kako je definisano i Nezavisni odbor će je primati k znanju, a u izvještaju treba po oblastima navesti koje su aktivnosti provodila Uprava policije u prethodnom mjesecu tekuće godine bez navođenja šta je bilo u prošloj godini. Također treba navesti šta je urađeno u svakoj policijskoj upravi. Kroz rezultate rada Uprave policije vide se rezultati rada Policijskog komesara.

Gosp. Kena Kapo se slaže da u izvještaju trebaju biti konkretni pokazatelji rezultata rada Uprave policije, a ne statistički pokazatelji.

Mineta Hrvat je predložila da se do sljedeće sjednice Nezavisnog odbora definiše šta bi izvještaj trebao sadržavati.

Jasmin Idrizović je mišljenja da Nezavisni odbor treba definisati šta je rezultat rada. Ako se traži pojedinačno po policijskim upravama to će poboljšati rad svih policijskih uprava. Mora se naći modus kako na osnovu izvještavanja poboljšati rad Uprave policije.

AD-6.- Razno

Nezavisni odbor je razmatrao Zaključak broj: 01-04-27085/23 od 09.06.2023.godine, koji je Skupština Kantona Sarajevo donijela na svojoj Prvoj hitnoj sjednici, te donio sljedeći **ZA-
KLJUČAK**:

1. Nezavisni odbor zahtjeva od policijskog komesara u Ministarstvu unutrašnjih poslova Kantona Sarajevo da dostavi informaciju šta je Uprava policije MUP Kantona Sarajevo poduzela pod rednim brojem 1. Zaključka Skupštine Kantona Sarajevo broj: 01-04-27085/23 od 09.06.2023.godine.
2. Informaciju je potrebno dostaviti za vremenski period od dana stupanja na snagu predmetnog Zaključka do 30.06.2023.godine, a nakon toga istu dostavljati za svaki mjesec.

Zamjenik predsjedavajućeg Esad Solak je zaključio rad 19. sjednice Nezavisnog odbora u 17,45 sati.

DVADESETA SJEDNICA (30.08.2023. godine)

Dvadeseta sjednica Nezavisnog odbora, održana je dana 30.08.2023. godine u prostorijama Skupštine Kantona Sarajevo, i sjednici je prisustvovalo 5 članova Nezavisnog odbora, dok su članovi Krnan Kapo i Minete Hrvat opravdali svoje odsustvo. Sjednici je prisustvovao i Policijski Komesar Fatmir Hajdarević.

Predložen je Dnevni red:

1. Usvajanje Zapisnika sa 19. sjednice Nezavisnog odbora;
2. Razmatranje Odgovora Uprave policije MUP-a KS broj:02/2-98/ 23 i 02/2-99/23 od 07.08.2023.godine, a u vezi akta Nezavisnog odbora broj: 01-04-476-28-1/23 od 26.07.2023.godine;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

8/23

3. Informacija o aktivnostima Uprave policije MUP KS za juni 2023. godine;
4. Informacija o aktivnostima Uprave policije MUP KS za juli 2023. godine;
5. Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. april – 30. juni 2023. godine;
6. Razno.

Članovi Nezavisnog odbora su jednoglasno usvojili Dnevni red 20. sjednice Nezavisnog odbora.

AD-1.- Usvajanje Zapisnika sa 19. sjednice Nezavisnog odbora

Predsjedavajući Adis Šečić je stavio je na glasanje prijedlog o usvajanju Zapisnika sa 19. sjednice Nezavisnog odbora koja je održana 20.07.2023.godine, te se konstatovao da je Zapisnik sa 19. sjednice Nezavisnog odbora jednoglasno usvojen (5/5 ZA).

AD-2.- Razmatranje Odgovora Uprave policije MUP-a KS broj:02/2-98/ 23 i 02/2-99/23 od 07.08.2023.godine, a u vezi akta Nezavisnog odbora broj: 01-04-476-28-1/23 od 26.07.2023.godine

Članovi Nezavisnog odbora su razmatrali Odgovor Uprave policije MUP-a KS broj:02/2-98/ 23 i 02/2-99/23 od 07.08.2023.godine, a u vezi akta Nezavisnog odbora broj: 01-04-476-28-1/23 od 26.07.2023.godine, te isti primili k znanju.

AD-3.- Informacija o aktivnostima Uprave policije MUP KS za juni 2023. godine

AD-4.- Informacija o aktivnostima Uprave policije MUP KS za juli 2023. godine

U 16:45 sati na sastanak je pristupio Fatmir Hajdarević, policijski komesar

S obzirom da su članovi Nezavisnog odbora upoznati sa sadržajem informacija o aktivnostima Uprave policije MUP KS za juni i juli 2023.godine, članovi su se složili da nema potrebe da Policijski komesar Fatmir Hajdarević prezentira navedene informacije. Predsjedavajući Nezavisnog odbora Adis Šečić je pozvao članove, da ukoliko imaju pitanja i potrebe za diskusiju, da diskutuju i postavljaju pitanja. Nakon što je predsjedavajući konstatovao da nema prijavljenih za pitanja i diskusiju, Nezavisni odbor je primio k znanju:

- (1) Informaciju o aktivnostima Uprave policije MUP KS za juni 2023. godine;
- (2) Informaciju o aktivnostima Uprave policije MUP KS za juli 2023. godine.

AD-5- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. april – 30. juni 2023. godine

Članovi Nezavisnog odbora su se složili da nema potrebe da Policijski komesar Fatmir Hajdarević prezentira Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. april – 30. juni 2023. godine, te su uslijedila pitanja i diskusija.

Predsjedavajući Adis Šečić je istakao da je ovaj Izvještaj sadržajni, sadrži informacije o radnim sastancima, kolegijima, sastancima sa ambasadorima, Glavnom tužiteljicom. Značajan je napredak u odnosu na prethodne izvještaje koje je Nezavisni odbor dobijao.



U nastavku predsjedavajući je postavio pitanje, vezano za tačku 3.2, da li ste održavaju stručni kolegiji. Na postavljeno pitanje Fatmir Hajdarević je odgovorio da se na dnevnoj bazi održavaju sastanci.

Zamjenik predsjedavajućeg Nezavisnog odbora Esad Solak smatra da su izvještaji (informacije) poboljšani, i navedeni su uzroci događaja, te je postavio pitanje Policijskom komesaru da li je popunio imovinski karton u skladu sa članom 43. stav (2) Zakona o unutrašnjim poslovima Kantona Sarajevo.

Predsjedavajući Šečić Adis je komentarisao tačku 4.2.-Javna okupljanja u kojoj je Policijski komesar naveo da je u Kantonu Sarajevo u izvještajnom periodu održano 938 javnih skupova, koji su prošli bez problema, što je pohvalno.

U nastavku je Predsjedavajući Šečić Adis postavio pitanje vezano za najavljeni skup podrške Miloradu Dodiku i Milošu Lukiću.

Policijski komesar odgovorio da organizatori nisu ispunili uslove regulisane Zakonom o javnom okupljanju, te im se neće dati dozvola da održe proteste 01.09.2023.godine ispred Tužilaštva BiH. Organizator nije na vrijeme podnio zahtjev Ministarstvu saobraćaja Kantona Sarajevo za dozvolu obustave saobraćaja, nije obezbijedio službe obezbjeđenja (zaštitarske agencije). Pored navedenog, Uprava policije MUP KS raspolaže i informacijama o mogućim sigurnosnim prijetnjama, a koje dolaze od navijača FK "Velež", "Željezničar" i "Sarajevo".

Član Nezavisnog odbora Branislav Bunjevac je postavio pitanje vezano za činovanje u čin "glavni inspektor", te koje su izmjene predviđene Pravilnikom o nabavljanju, držanju i nošenju oružja i municije.

Policijski komesar je odgovorio da će se raspisati dva mjesta za glavnog inspektora, Pravilnik će regulisati odgovornost rukovanja materijalno-tehničkim sredstvima. Nabavljat će se nova oprema, te je potrebno regulisati odgovornost rukovanja istom.

Policijski komesar je članove Nezavisnog odbora informisao da će krenuti sa nabavkom policijske uniforme čim Ured za borbu protiv korupcije i upravljanje kvalitetom imenuje svog člana u Komisiju za javne nabavke uniformi, također pripremaju Pravilnik vezano za član 10f. Zakona o javnim nabavkama koji reguliše da se Zakon ne primjenjuje kod ugovora o nabavkama koji su proglašeni tajnim ili moraju biti praćeni posebnim bezbjednosnim mjerama u skladu sa Zakonom o zaštiti tajnih podataka. Nakon donošenja Pravilnika kreće se u nabavku opreme.

Nezavisni odbor je primio k znanju Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. april – 30. juni 2023. godine.

AD-6.- Razno

Pod tačkom Razno član Nezavisnog odbora Jasmin Idrizović je delegirao problematiku porodičnog nasilja i postavio pitanje šta je Uprava policije MUP KS poduzela.

Esad Solak je rekao da ima informaciju da je Uprava policije održala sastanak sa sudijom Prekršajnog odjeljenja Općinskog suda gdje je sudija tražio da Uprava dostavi kvalitetnije dokaze u slučaju porodičnog nasilja. Trebalo bi da Policijski komesar na kolegijima da zadatke na koji način će se slati dokazi sudiji.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

10/23

Jasmin Idrizović je predložio da Nezavisni odbor traži od Uprave policije informaciju koliko je bilo prijavljeni slučajeva porodičnog nasilja u prvom polugodište ove godine i šta je policija poduzela po ovom pitanju.

Predsjedavajući Adis Šečić je zaključio rad 20. sjednice Nezavisnog odbora u 17:35 sati.

DVADESETPRVA SJEDNICA (28.09.2023. godine)

Dvadesetprva sjednica Nezavisnog odbora, održana je dana 28.09.2023. godine u prostorijama Skupštine Kantona Sarajevo, i sjednici je prisustvovalo 6 članova Nezavisnog odbora, dok je Branislav Bunjevac opravdao svoj izostanak. Sjednici je prisustvovao Policijski komesar Fatmir Hajdarević.

Predložen je Dnevni red:

1. Usvajanje Zapisnika sa 20. sjednice Nezavisnog odbora;
2. Razmatranje Odgovora Uprave policije MUP-a KS broj:02/2-118/23 04.09.2023.godine a u vezi akta Nezavisnog odbora broj: 01-04-476-28-1/23 od 26.07.2023.godine;
3. Informacija o aktivnostima Uprave policije MUP KS za avgust 2023. godine;
4. Razno.

Članovi Nezavisnog odbora su jednoglasno usvojili Dnevni red 21. sjednice Nezavisnog odbora.

AD-1.- Usvajanje Zapisnika sa 20. sjednice Nezavisnog odbora

Predsjedavajući Adis Šečić je stavio je na glasanje prijedlog o usvajanju Zapisnika sa 20. sjednice Nezavisnog odbora koja je održana 30.08.2023.godine, te je konstatovao da je Zapisnik sa 20. sjednice Nezavisnog odbora većinom glasova usvojen (5 "ZA" i 1 "SUZDRŽAN"- Kenan Kapo iz razloga jer nije bio prisutan na sjednici).

AD-2.- Razmatranje Odgovora Uprave policije MUP-a KS broj:02/2-118/23 04.09.2023.godine a u vezi akta Nezavisnog odbora broj: 01-04-476-28-1/23 od 26.07.2023.godine

Član Nezavisnog odbora Jasmin Idrizović je postavio pitanje do kada će Nezavisni odbor tražiti Informaciju u vezi realizacije Zaključka Skupštine Kantona Sarajevo koji je donijela na Prvoj hitnoj sjednici održanoj 09.06.2023.godine. Smatra da su aktivnosti Uprave policije intenzivirane s akcentom na oblast saobraćaja.

U nastavku su o navedenom pitanju diskutovali članovi Nezavisnog odbora Kenan Kapo i Mensud Cibra.

Predsjedavajući Nezavisnog odbora je predložio sljedeći ZAKLJUČAK:

Obavezuje se Policijski komesar Ministarstva unutrašnjih poslova Kantona Sarajevo da u okviru redovne mjesečne informacije o aktivnostima Uprave policije MUP KS dostavi i informaciju o realizaciji Zaključka Skupštine broj:01-04-27085/23 od 09.06.2023.godine koji se tiče Uprave policije.

Članovi Nezavisnog odbora su jednoglasno podržali navedeni Zaključak.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

11/23

Nezavisni odbor je primio k znanju Odgovor Uprave policije MUP-a KS broj:02/2-118/23 04.09.2023.godine a u vezi akta Nezavisnog odbora broj: 01-04-476-28-1/23 od 26.07.2023.godine.

AD-3.- Informacija o aktivnostima Uprave policije MUP KS za avgust 2023. godine

U 17:15 sati na sastanak je pristupio Fatmir Hajdarević, policijski komesar

Policijski komesar Fatmir Hajdarević je prezentirajući Informaciju o aktivnostima Uprave policije MUP KS za avgust 2023. godine istakao da je povećan procenat rasvjetljenosti krivičnih djela, zabranjena dva najavljena javna skupa ispred Tužilaštva i suda BiH, Povećan je broj prijava porodičnog nasilja. Rasvjetljenost krivičnih djela iz oblasti imovine je bolja.

Na pitanje Predsjedavajućeg Šečić Adisa, da li je Uprava policije MUP KS imala aktivnosti u oblasti nasilja u porodici, koje mjere namjeravaju poduzimati, prvenstveno da li planira formirati odjeljenje koje će se baviti ovom oblasti i da li imaju saradnju sa Centrom za socijalni rad Policijski komesar je odgovorio da u Upravi postoje službenici koji se bave nasiljem u porodici i imaju saradnju sa Centrom.

U nastavku Predsjedavajući je postavio pitanja u vezi realizacije Zaključka Skupštine od 09.06.2023.godine.

Policijski komesar je članove Nezavisnog odbora informisao da je regulacija saobraćaja ponovo vraćena.

Predsjedavajući Adis Šečić je postavio pitanje Policijskom komesaru da li je Uprava policije MUP KS imala značajnih javnih nabavki.

Policijski komesar Fatmir Hajdarević je odgovorio da su dobijene dozvole za nabavku tri oklopna transportna vozila, a krenulo se i u proces nabavke uniformi. Istakao je da za nabavku specijalne opreme treba dobiti posebne dozvole, za čije dobijanje treba šest mjeseci.

Na pitanje člana Nezavisnog odbora Kapo Kenana u kojoj je fazi činovanje policijskih službenika Policijski komesar je odgovorio za koje čino ve je završen proces činovanja.

Zamjenik predsjedavajućeg Nezavisnog odbora Esad Solak je konstatovao da je u Informaciji o aktivnostima Uprave policije MUP-a KS za avgust 2023.godine navedeno da je povećan broj otkrivenih krivičnih djela i u vezi s tim postavio je pitanje da li je neko radio analizu koja su krivična djela naknadno rasvjetljena, da li se negdje prikazuje koliko je bilo mjera za zaštitu žrtava od nasilja u porodici.

Esad Solak je predložio, a članovi Nezavisnog odbora jednoglasno podržali (6/6), sljedeći ZAKLJUČAK:

- Nezavisni odbor zahtjeva od policijskog komesara Ministarstva unutrašnjih poslova Kantona Sarajevo da dostavi informaciju iz evidencija koje se vode u Policijskim upravama Kantona Sarajevo o izricanju zaštitnih mjera iz člana 9. Zakona o zaštiti od nasilja u porodici ("Službene novine Federacije BiH", br. 20/13 i 75/21), kao i iz člana 38. Pravilnika



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

12/23

o načinu provođenja zaštitnih mjera za počinioce nasilja u porodici koje su u nadležnosti policije ("Službene novine Federacije BiH", broj 19/14).

- Informaciju je potrebno dostaviti za 2023. godinu.

Također je dopredsjedavajući Esad Solak zatražio od Policijskog komesara informaciju o rješenjima kojim se daje saglasnost policijskim službenicima za obavljanje dodatnih djelatnosti i zašto im se daje saglasnost.

Policijski komesar je odgovorio da se saglasnosti daju samo za sportske aktivnosti i naučnu djelatnost.

U nastavku je Esad Solak govorio o dijelu Informacije koji se odnosi na unutrašnje istrage.

Predsjedavajući Adis Šečić je Policijskog komesara informisao da su se članovi Nezavisnog odbora složili da Policijski komesar u budućem periodu dostavlja Informaciju o realizaciji Zaključka Skupštine Kantona Sarajevo, a koji se odnose na Upravu policije integrisano kroz mjesečne informacije o aktivnostima Uprave policije MUP-a KS.

Članica Nezavisnog odbora Mineta Hrvat sugerisala je Policijskom komesaru da prilikom sačinjavanja izvještaja vodi računa da nije dodatna već dopunska djelatnost.

Nezavisni odbor je primio k znanju Informaciju o aktivnostima Uprave policije MUP KS za avgust 2023. godine.

AD-4.- Razno

Pod tačkom Razno Predsjedavajući Adis Šečić je informisao članove Nezavisnog odbora da je Jasmin Idrizović predložio novi pristup izvještavanju Nezavisnog odbora o svom radu i izvještavanju o radu Policijskog komesara.

Jasmin Idrizović je istakao da smatra da Nezavisni odbor ne treba da se bavi puno birokratijom već da konkretizuje izvještaje. U nastavku je obrazložio svoj prijedlog. Suština je po njemu da Nezavisni odbor vidi i pohvalno se izjasni o aktivnostima koje su urađene dobro, da dadne na znanje da se stvari rade bolje u svim oblastima. Isto tako, postavlja pitanje da li Nezavisni odbor, kad dobije izvještaj od Policijskog komesara, da li treba da odmah krene u rad.

Predsjedavajući je istakao da će Nezavisni odbor Policijskom komesaru morati dostaviti analizu izvještaja.

Mineta Hrvat je istakla da podržava inicijativu. Nezavisni će pripremit konkretan izvještaj koji će sadržavati konkretno.

Predsjedavajući Šečić Adis je istakao da se Nezavisni odbor mora držati metodologije koju je sačinio i sačiniti izvještaje u skladu sa istom. Ukoliko Nezavisni odbor konstatuje da nije izvještaj dostavljen u skladu sa metodologijom, o istome će obavijestiti Policijskog komesara.

Član Mensud Cibra je mišljenja da bi se pri sačinjavanju izvještaja trebalo držati hronologije zaključaka, odgovora po zaključcima, a prilikom izrade kosturi bi trebali biti zapisnici sa sjednica Nezavisnog odbora.



Predsjedavajući Šečić Adis je istakao da Nezavisni odbor mora analizirati izvještaje policijskog komesara u skladu sa članom 23. Zakona o unutrašnjim poslovima KS.

Jasmin Idrizović je naglasio da je izvještaj Policijskog komesara element na osnovu kojeg će se praviti izvještaj Nezavisnog odbora za rad komesara.

Adis Šečić i Jasmin Idrizović su mišljenja da bi Nezavisni odbor kada pripremi izvještaj, ukoliko se konstatuje da se stanje nije poboljšalo, trebao napraviti sastanak sa Policijskom komesarom i reći šta treba uraditi.

Mensud Cibra je istakao da Nezavisni odbor ne bi trebao da dođe u situaciju da je kroz čitanje statistike uočio nešto na što bi se trebalo obratiti pažnja a da nije tražio objašnjenje, i da nije komesaru upućeno šta treba uraditi. Potrebno se koncentrisati na statistiku koja daje neke pokazatelje koji odstupaju.

Jasmin Idrizović je mišljenja da je prilikom analiziranja izvještja dobijenih od policijskog komesara potrebno razlikovati važne i manje važne stvari. Nije cilj Nezavisnog odbora da kritikuje Policijskog komesara, već da kaže da je uočena nesrazmjera i da uradi analizu. Jasmin Idrizović je istakao da je najveći razlog izvještaja ocjenjivanje komesara, da se vidi da li je uradio ono što je Nezavisni odbor tražio. Intencija je da se daju savjeti policijskom komesaru kako nešto unaprijediti.

Esad Solak smatra da se komesar treba spremiti kako bi obrazložio svoj izvještaj od početka. Iz izvještaja, mišljenja je da se Nezavisni odbor nije upustio u adekvatnu analizu rada Policijskog komesara. Nezavisni odbor treba da opravda svoje postojanje kako je Zakonom propisano.

U nastavku svoje diskusije Esad Solak je rekao da je u zadnje vrijeme povećan broj prijavi tužilaca na rad policije.

Mineta Hrvat je mišljenja da je problem komunikacije tužioca i policije materijalni dokaz.

Članovi Nezavisnog odbora su se složili da će:

1. Esad Solak, Mineta Hrvat, Branislav Bunjevac i Adis Šečić sačiniti izvještaj o radu policijskog komesara za januar-mart i april-juni 2023.godine
2. Mensud Cibra i Jasmin Idrizović izvještaj Nezavisnog odbora za period januar-juni 2023.godine.

Kenan Kapo je pokrenuo pitanja šta će biti ukoliko ocjena Policijskog komesara bude 4 zadovoljava, a 3 nezadovoljava.

Jasmin Idrizović je odgovorio da to Zakon o unutrašnjim poslovima nije regulisao i potrebno je pokrenuti inicijativu za njegovu izmjenu.

Predsjedavajući Adis Šečić je zaključio rad 21. sjednice Nezavisnog odbora u 18:50 sati.



DVADESETDRUGA SJEDNICA (31.10.2023. godine)

Dvadesetdruga sjednica Nezavisnog odbora, održana je dana 31.10.2023. godine u prostorijama Skupštine Kantona Sarajevo, i sjednici su prisustvovali svi članovi Nezavisnog odbora, kao i Policijsko komesar Fatmir Hajdarević.

Predložen je Dnevni red:

1. Usvajanje Zapisnika sa 21. sjednice Nezavisnog odbora;
2. Informacija Uprave policije MUP KS broj: 02/2-138/23 od 03.10.2023. godine;
3. Informacija o aktivnostima Uprave policije MUP KS za septembar 2023. godine;
4. Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli – 30. septembar 2023. godine;
5. Razno;
 - 5.1. Žalba prosljeđena Nezavisnom odboru od Odbora za žalbe javnosti;
 - 5.2. Izvještaj o radu Nezavisnog odbora za period januar-juni 2023.godine.

Članovi Nezavisnog odbora su jednoglasno usvojili Dnevni red 22. sjednice Nezavisnog odbora.

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda.

AD-1.- Usvajanje Zapisnika sa 21. sjednice Nezavisnog odbora

Predsjedavajući Adis Šečić je stavio je na glasanje prijedlog o usvajanju Zapisnika sa 21. sjednice Nezavisnog odbora koja je održana 28.09.2023.godine, te se konstatovao da je Zapisnik sa 21. sjednice Nezavisnog odbora jednoglasno usvojen (7/7).

AD-2.- Informacija Uprave policije MUP KS broj: 02/2-138/23 od 03.10.2023. godine

Nezavisni odbor je primio k znanju Informaciju Uprave policije MUP KS broj: 02/2-138/23 od 03.10.2023. godine.

AD-3.- Informacija o aktivnostima Uprave policije MUP KS za septembar 2023. godine

U 17:15 sati na sastanak je pristupio Fatmir Hajdarević, policijski komesar

Policijski komesar Fatmir Hajdarević je prezentirajući Informaciju o aktivnostima Uprave policije MUP KS za septembar 2023. godine istakao da je povećan procenat rasvjetljenosti krivičnih djela, smanjen broj saobraćajnih nesreća, nije bilo smrtnih slučajeva, smanjen broj prekršaja javnog reda i mira. Još se provodi akcija "Džep", odnosno na malom terenu velika je prisutnost policije. Preventivne akcije su doprinijele smanjenju krivičnih djela krađa.

Nezavisni odbor je primio k znanju Informaciju o aktivnostima Uprave policije MUP KS za septembar 2023. godine.



AD- 4.- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli – 30. septembar 2023. godine

Policijski komesar Uprave Fatmir Hajdarević je u okviru svog izlaganja rekao da je održavao Stručni kolegij MUP-a KS, na kojem je glavna tema bila izgradnja zgrade MUP-a KS, ima svakodnevne sastanke sa načelnicima sektora. Najviše je krivičnih djela u Općini Novi Grad, a najmanje u Općini Ilijaš. Provedena je operativna akcija lišavanja slobode osoba koje se sumnjiče da su u proteklom periodu više puta lažno prijavili da su u Općinskom sudu u Sarajevu postavljene eksplozivne naprave. Slobode su lišene tri osobe koje su osumnjičene za krijumčarenje osoba i kod istih su pronađene veće količine novca i identifikacionih javnih dokumenata. U akciji "Sarajevo Tower" policijski službenici su lišili slobode dva državljanina Republike Srbije, koji se dovode u vezu s više ubistava i isti se još nalaze u pritvoru. Ubistvo gosp. Šatare u ulici Čemerlina je rasvijetljeno i ubica je lišen slobode. Istakao je da analize pokazuju da je u posljednjih sedam mjeseci oduzeto više opijata nego za prethodnih pet godina, a to je rezultiralo dobrom saradnjom Kantonalnog tužilaštva KS, OSA-e i Uprave policije MUP-a KS. Tužilaštvo BiH, OSA i Uprava policije imaju sporazum vezano za SKY aplikaciju. Na području Kantona Sarajevo u periodu juli-septembar 2023.godine održano je 743 javna okupljanja i nije bilo narušavanja javnog reda i mira. Trenutno osiguravaju Collegium Artisticum u kojem se održava izložba Rijaseta islamske zajednice u BiH. Izvještaj prikazuje povećan broj saobraćajnih nezgoda iz razloga što osiguravajuće kuće odbijaju platiti štetu bez izlaska policije na teren.

Član Nezavisnog odbora Esad Solak je rekao da Odboru za žalbe javnosti stižu žalbe građana na policiju vezano za uviđaj saobraćajnih nezgoda, te smatra da bi trebalo izvršiti obuku policijskih službenika u vezi uviđaja.

Na pitanje Predsjedavajućeg Šečić Adisa da li se policiji plaća vršenje uviđaja, policijski komesar je odgovorio da se ne plaća uviđaj, već se plaća paušalno za zapisnike i fotografije.

Policijski komesar je rekao da će svaka policijska uprava morati redovno obavljati dodatne obuke rukovanja naoružanjem policijskih službenika, obuku regulacije saobraćaja i obuku kako se rade intervencije. Sa Akademije dobijaju poluproizvod, te Uprava mora vršiti dodatnu obuku policijskih službenika.

Član Jasmin Idrizović je rekao da je pitanje koliko kvalitetan kadar dođe sa Akademije i koliko Kanton mora uložiti da ih obuču. Smatra da je potrebna edukacija policijskih službenika u svim pravcima. Istakao je da se Izvještaj o radu policijskog komesara približava Metodologiji Nezavisnog odbora.

Policijski komesar Fatmir Hajdarević informisao je Nezavisni odbor koji su postupci činovanja policijskih službenika završeni. U nastavku je govorio o završenim postupcima javnih nabavki, postupcima u toku, i onim koji su planirani.

Na pitanje člana Kenana Kapa da li nabavka uniformi ide po novoj Uredbi o jedinstvenoj policijskoj uniformi Policijski komesar je potvrdno odgovorio. Obezbjedena su sredstva i nabavka će se razbiti na lotove obuće i uniformi.

Jasmin Idrizović je mišljenja da treba intenzivirati redovan i vanredan nadzor u radu pojedinih segmenata policije. Smeta mu što KJKP "Gras" na portalima plasira informaciju da se zaustavljanje automobila na tramvajskim šinama dešava svakodnevno i da više puta dnevno pozivaju policiju koja se ne pojavi. Treba da PU Centar vidi da li je bilo više takvih poziva.



Policijski komesar je odgovorio da se na šinama obično zaustavljaju taxi vozila da uzmu i ispuste putnike ili neko vozilo da izađe putnik, to traje 20-tak sekundi. Veći je problem što tramvaji stanu i blokiraju saobraćaj.

Esad Solak je rekao da policija ne može naplaćivati uviđaje saobraćajnih nezgoda, jer im je to redovna aktivnost. Pohvalio je osiguranje javnih događaja, Uprava policije je imala povećane aktivnosti vezano za saobraćaj i izdala je preko 3000 prekršajnih naloga. Smatra da bi policija trebala malo smanjiti izdavanje prekršajnih naloga građanima. Također je pohvalio oduzimanje vozila višestrukim povratnicima u činjenju prekršaja iz oblasti saobraćaja, kao i oduzimanje droge.

Predsjedavajući Adis Šečić je pohvalio održavanje sastanka menadžmenta Uprave policije sa Glavnom tužiteljicom KTKS.

Predsjedavajući je informisao policijskog komesara da je Nezavisni odbor donio Zaključak vezano za žalbu anonimnih policijskih službenika. Žalbu je predao policijskom komesaru Fatmiru Hajdareviću.

Nezavisni odbor je primio k znanju Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli – 30. septembar 2023. godine.

AD-5.1.- Žalba prosljeđena Nezavisnom odboru od Odbora za žalbe javnosti

Član Nezavisnog odbora Esad Solak je kao predsjedavajući Odbora za žalbe javnosti prisutne informisao da je Odbor na e-mail, 29.10.2023.godine, dobio anonimnu žalbu vezano za navodne nepravilnosti u proceduri činovanja u čin "inspektor". Žalba je prosljeđena Nezavisnom odboru i Komisiji za sigurnost. Odbor je na svojoj sjednici, održanoj 30.10.2023.godine, donio Zaključak da se žalba prosljedi Jedinici za profesionalne standarde MUP-a da analiziraju žalbu i dostave odgovor Odboru. Predložio je da Nezavisni odbor zatraži informaciju od Komisije za unapređenje policijskih službenika u čin "inspektor" o navodima u žalbi.

Član Nezavisnog odbora Jasmin Idrizović se složio da treba tražiti informaciju o svim postupcima s posebnim osvrtom na sačinjavanje pitanja u skladu sa Pravilnikom o uslovima, načinu bodovanja i proceduri za unapređenje policijskih službenika Uprave policije MUP-a KS.

Predsjedavajući Nezavisnog odbora Adis Šečić je predložio, a Nezavisni odbor jednoglasno usvojio (7/7) sljedeći ZAKLJUČAK:

Nezavisni odbor traži od Policijskog komesara da do petka 03.11.2023. godine, dostavi detaljnu informaciju o kompletnoj proceduri za unapređenje policijskih službenika u čin "Inspektor", od dana formiranja Komisije, do dana izvještavanja, sa posebnim akcentom na navode anonimne žalbe od 29.10.2023.godine.

AD- 5.2.- Izvještaj o radu Nezavisnog odbora za period januar-juni 2023.godine

Izvještaj o radu Nezavisnog odbora za period januar-juni 2023.godine su sačinili članovi Nezavisnog odbora Jasmin Idrizović i Mensud Cibra. Član Jasmin Idrizović je istakao da su u tački 4. napravili presjek počevši od ocjenjivanja bivšeg Policijskog komesara, do imenovanja Fatmira Hajdarevića.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

17/23

Nezavisni odbor je jednoglasno usvojio (7/7) Izvještaj o radu Nezavisnog odbora za period januar-juni 2023.godine i isti će se uputiti u skupštinsku proceduru.

U nastavku je član Komisije Jasmin Idrizović istakao da će se prilikom pripremanja novog Izvještaju o radu policijskog komesara primjeniti novi pristup izradi izvještaja. Konstatovat će se pozitivne stvari uz sugestije šta se treba poboljšati.

Predsjedavajući Nezavisnog odbora Adis Šečić je rekao da Nezavisni odbor mora pripremiti dva Izvještaja o radu policijskog komesara i to za januar-mart i april- juni 2023.godine.

Jasmin Idrizović je istakao da je cilj da se unaprijedi rad policijskog komesara. Policijski komesar je prihvatio dosta sugestija. Treba izdvojiti pozitivne i negativne stvari. Za prva dva tromjesečna izvještaja primjenit će se stari koncept.

Članovi Nezavisnog odbora složili su se da pripreme Izvještaj o radu policijskog komesara:

- Branislav Bunjevac za period januar-09.03.2023.godine i 09.03-31.03.2023.godine i
- Mineta Hrvat za period april-juni 2023.godine.

Predsjedavajući Adis Šečić je zaključio rad 22. sjednice Nezavisnog odbora u 18:18 sati.

DVADESETTREĆA SJEDNICA (30.11.2023. godine)

Dvadesettreća sjednica Nezavisnog odbora održana je dana 30.11.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora, dok je Predsjedavajući Šečić Adis opravdao svoj izostanak.

Predložen je Dnevni red:

1. Usvajanje Zapisnika sa 22. sjednice Nezavisnog odbora;
2. Informacija Uprave policije MUP KS broj: 02/2-151/23 od 03.11.2023. godine;
3. Informacija Komisije za unapređenje policijskih službenika u čin "inspektor" i "mladi inspektor" broj:02-30-1-2529-84 od 01.11.2023.godine;
4. Informacija o aktivnostima Uprave policije MUP KS za oktobar 2023. godine;
5. Razno;
 - a) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2022. godine;
 - b) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01.april-30. juni 2023. godine;
 - c) Žalba advokata Senada Dupovca na postupanje komandira policijske stanice Hadžići Ćatić Viktora.

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Zamjenik predsjedavajućeg je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:



AD-1.- Usvajanje Zapisnika sa 22. sjednice Nezavisnog odbora

Zamjenik predsjedavajućeg Esad Solak je stavio je na glasanje prijedlog o usvajanju Zapisnika sa 22. sjednice Nezavisnog odbora koja je održana 31.10.2023.godine, te se konstatovao da je Zapisnik sa 22. sjednice Nezavisnog odbora jednoglasno usvojen (6/6).

AD-2.- Informacija Uprave policije MUP KS broj: 02/2-151/23 od 03.11.2023. godine

Zamjenik predsjedavajućeg je rekao da će ponovo, na današnjoj sjednici, sugerisati Policijskom komesaru da ubuduće Informaciju vezano za realizaciju Zaključka Skupštine broj:01-04-27085/23 od 09.06.2023.godine koji se tiče Uprave policije dostavlja u okviru redovne mjesečne informacije o aktivnostima Uprave policije MUP-a Kantona Sarajevo.

AD-3 Informacija Komisije za unapređenje policijskih službenika u čin "inspektor" i "mlađi inspektor" broj:02-30-1-2529-84 od 01.11.2023.godine

Zamjenik predsjedavajućeg Nezavisnog odbora Esad Solak je istakao da je Informacija dostavljena u pogrešnom obliku, odnosno očekivao je da će biti dostavljen test.

Član Jasmin Idrizović je rekao da Policijskom odboru nije bilo žalbi na procedure u predviđenom roku.

Članica Mineta Hrvat je mišljenja da su imali zakonsku mogućnost žalbe i da su istu iskoristili ne bi se process mogao nastaviti.

Član Komisije Kenan Kapo smatra da Informaciju treba primiti k znanju, što je Nezavisni odbor i uradio.

AD-4.- Informacija o aktivnostima Uprave policije MUP KS za oktobar 2023. Godine

U 17:15 sati na sastanak je pristupio Fatmir Hajdarević, policijski komesar

Policijski komesar Fatmir Hajdarević je prezentirajući Informaciju o aktivnostima Uprave policije MUP-a KS za oktobar 2023. godine istakao da je povećan broj događaja sa obilježjem krivičnog djela u odnosu na isti mjesec prošle godine, dok je smanjen broj prekršaja javnog reda i mira. U nastavku je govorio o saobraćajnim nezgodama. Informisao je prisutne da je završeno činovanje, o raspisanim tenderima za nabavku opreme. Istakao je da će biti problema sa nabavkom uniformi. Pri kraju je konkurs za prijem 250 policajaca, a tražit će saglasnost Vlade za prijem još 200 policajaca.

Član Nezavisnog odbora Branislav Bunjevac je Policijskog komesara informisao da svaki dan ispred Mercatora na Dobrinji sjede dvojica koji uznemiravaju građane

Zamjenik predsjedavajućeg Esad Solak je ponovio što je rekao u tački 2. vezano za Informaciju o realizaciji skupštinskog Zaključka. Sugerisao je da se u Informaciji o aktivnostima Uprave policije posveti veća pažnja "trkačima". Istakao je da ga zabrinjava broj razbojništava i potrebno je vidjeti kako da se ovaj problem riješi. Također, smatra da bi se i Informaciji trebalo posvetiti veća pažnja mjerama koje je policija poduzela vezano za zaštitu žrtava nasilja u porodici.



Policijski komesar je odgovorio da je teško razbojništva riješiti u mjesecu u kome su i nastala, to se rješava u kontinuitetu. Smatra da je najobjektivnije gledanje kriminaliteta tromjesečno gledanje.

Na pitanje Esada Solaka da li je upoznat od strane Jedinice za profesionalne standarde na žalbe tužitelja na rad policije policijski komesar je odgovorio da nije.

Član Jasmin Idrizović je istakao da saradnja policije i Tužilaštva mora biti na višem nivou. Treba vidjeti koji su problemi i kako iste riješiti.

Na konstataciju Policijskog komesara da je problem u komunikaciji, Jasmin Idrizović je odgovorio da se problem treba zaustaviti razgovorom.

Član Kenan Kapo je mišljenja da Nezavisni odbor ne smije zauzeti jednostran stav da su policajci krivi.

U 17:50 sati član Nezavisnog odbora Kenan Kapo je, kako je na početku sjednice i najavio, napustio sjednicu zbog neodložive obaveze.

Član Nezavisnog odbora Branislav Bunjevac je mišljenja da se veliki broj žalbi na rad policije dešava iz razloga što se ne snimaju razgovori kad se građani žale.

Policijski komesar je odgovorio da je za snimanje razgovora. U nastavku je rekao da je završen tender za nabavku body kamera, što će riješiti problem korupcije i žalbe građana. Ići će se u pravcu snimanja razgovora na 122 i šefova dežurnih službi.

Nezavisni odbor je primio k znanju Informaciju o aktivnostima Uprave policije MUP KS za oktobar 2023. godine.

AD- 5- Razno

a) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2022. godine

b) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01.april-30. juni 2023. godine

Član Jasmin Idrizović smatra da u budućim izvještajima nema potrebe za tabelarnim prikazima. Davat će se sugestije za poduzmanje određenih aktivnosti. U nastavku svog izlaganja je ponovio da saradnja policije sa Tužilaštvom mora biti na visokom nivou, predstavke na rad policije se moraju istražiti kako bi se vidjelo gdje su problemi. Istakao je da na 99% krivičnih djela tužioc, po ranijoj statistici, ne izlaze na uviđaj i tu treba tražiti poboljšanja u njihovom radu. Što se tiče nasilja u porodici bitno je da educirani policijski službenici stalno kontaktiraju žene žrtve nasilja.

Zamjenik predsjedavajućeg Esad Solak je istakao da smatra da se Odjeljenje za profesionalne standarde treba „izvući” iz Uprave policije.

Članovi Nezavisnog odbora su jednoglasno podržali (5/5) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart i 01. april-30. Juni 2023.godine, koje su pripremili Branislav Bunjevac i Mineta Hrvat.



c) Žalba advokata Senada Dupovca na postupanje komandira policijske stanice Hadžići Čatić Viktora

Esad Solak, koji je istovremeno i predsjedavajući Odbora za žalbe javnosti, je prisutne informisao da je Odbor dobio navedenu žalbu i istu je proslijedio Jedinici za profesionalne standarde na nadležno postupanje.

Zamjenik predsjedavajućeg Esad Solak je zaključio rad 23. sjednice Nezavisnog odbora u 18:15 sati.

DVADESETČETVRTA SJEDNICA (21.12.2023. godine)

Dvadesetčetvrta sjednica Nezavisnog odbora održana je dana 21.12.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora, kao i Policijski komesar Fatmir Hajdarević.

Predložen je Dnevni red:

1. Usvajanje Zapisnika sa 23. sjednice Nezavisnog odbora;
2. Informacija Uprave policije MUP KS broj: 02/2-172/23 od 04.12.2023. godine;
3. Informacija o aktivnostima Uprave policije MUP KS za novembar 2023. godine;
4. Razno.

Članovi Nezavisnog odbora su jednoglasno usvojili Dnevni red (7/7).

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 23. sjednice Nezavisnog odbora

Predsjedavajući Adis Šečić je stavio je na glasanje prijedlog o usvajanju Zapisnika sa 23. sjednice Nezavisnog odbora koja je održana 30.11.2023.godine, te se konstatovao da je Zapisnik sa 23. sjednice Nezavisnog odbora jednoglasno usvojen (7/7).

AD-2.- Informacija Uprave policije MUP KS broj: 02/2-172/23 od 04.12.2023. godine

Nezavisni odbor je primio k znanju Informaciju Uprave policije MUP KS broj: 02/2-172/23 od 04.12.2023. godine

AD-3.- Informacija o aktivnostima Uprave policije MUP KS za novembar 2023. godine

U 17:15 sati na sastanak je pristupio Fatmir Hajdarević, policijski komesar

Policijski komesar Fatmir Hajdarević je ukratko prezentirao Informaciju o aktivnostima Uprave policije MUP KS za novembar 2023. godine po oblastima i to:



1. Kriminalitet- registrovano je više za 4,8 % više u odnosu na isti mjesec prethodne godine. U nastavku je iznio podatke koliko je bilo događaja protiv: života i tijela, slobode i prava čovjeka i građanina, braka, porodice i mladeži, zdravlja ljudi, imovine, opće sigurnosti ljudi i imovine, javnog reda i pravnog prometa, zatim događaja sa obilježjem krivičnog djela u kojima su učestvovala maloljetna lica, ostala protivpravna i asocijalna ponašanja.
2. Javni red i mir- u novembru 2023.godine evidentirano je 17,1 % manje prekršaja.
3. Saobraćaj. Govorio je o broju evidentiranih saobraćajnih nezgoda po općinama, broju nastradalih, kao i poginulih lica.
4. Zakonitost u radu. Bila su dva pojedinačna napada na policijske službenike Uprave policije MUP-a KS. Tri puta su policajci upotrijebili fizičku silu.
5. Rad policije u zajednici. U toku mjeseca novembra tekuće godine realizovano je devet edukativnih radionica za djecu predškolskih ustanova, učenike osnovnih i srednjih škola na području Kantona Sarajevo
6. Migranti. Prema podacima IOM-a na području Kantona sarajevo u novembru 2023.godine u prihvatnim, azilantskim i imigracionim centrima boravi 4,4 % manje u odnosu na isti mjesec 2022.godine.

S obzirom da je policijski komesar Fatmir Hajdarević u svom izlaganju rekao da je u novembru tekuće godine evidentirano 33 događaja sa obilježjem krivičnog djela iz oblasti protiv braka, porodice i mladeži, što je za 14 djela više u odnosu na isti mjesec prošle godine član Nezavisnog odbora Jasmin Idrizović je postavio pitanje komesaru koji je razlog povećanja.

Policijski komesar je odgovorio da su pravosudne institucije, nakon Gradačca, postale rigoroznije.

Na pitanje člana Nezavisnog odbora Kapo Kenana dokle se došlo sa postupcima nabavki opreme za Specijalnu jedinicu Uprave policije komesar je odgovorio da je za nabavku oružja sklopljen ugovor, kao i za tri specijalna vozila. Raspisan je tender za još dva specijalna vozila.

U nastavku je Kenan Kapo rekao da je Vlada Kantona Sarajevo donijela odluku kojom se reguliše da policija asistira inspektorima Kantonalne uprave za inspeksijske poslove prilikom kontrole vozila čiji motori imaju normu EURO 3 i manju. S obzirom da ne postoje kaznene odredbe za nepoštivaocce Odluke sugerisao je komesaru da povede računa da javnost ne bude smatrala policiju odgovornom.

Policijski komesar je odgovorio da policija izlazi na teren sa inspekcijom i ukoliko se utvrdi da su na cestama vozila čiji motori imaju normu ispod EURO 4 inspektor sačinjava zapisnik. U nastavku je rekao da nema zakonskog osnova da se zabrani korištenje u saobraćaju vozila sa normom ispod EURO 4.

Predsjedavajući Adis Šečić je i na ovoj sjednici ponovio da nema potrebe da Uprava policije zasebno dostavlja Informaciju o realizaciji Zaključka Skupštine Kantona Sarajevo koji se tiče Uprave policije, već istu treba dostavljati u okviru mjesečne informacije o aktivnostima Uprave policije.

Na postavljeno pitanje člana Nezavisnog odbora Jasmina Idrizovića vezano za planirane aktivnosti Uprave policije za nastupajuće praznike policijski komesar je odgovorio da je uveden prekovremeni rad u periodu 20.12. 2023.godine do 10.01.2024.godine, policija će biti na terenu.

Nezavisni odbor je primio k znanju Informaciju o aktivnostima Uprave policije MUP KS za novembar 2023. godine.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

22/23

AD- 4- Razno

Član Komisije Kenan Kapo je predložio da se uputi Komisiji za izbor i imenovanja i administrativna pitanja Skupštine Kantona Sarajevo akt kojim se traži povećanje naknada članovima Nezavisnog odbora i sekretaru Nezavisnog odbora. Predloženo je da iznos naknade za članove Nezavisnog odbora u visini od 50% prosječne mjesečne plaće isplaćene u Kantonu Sarajevo, prateći posljednje objavljene podatke Zavoda za informatiku i statistiku Kantona Sarajevo, sa naglaskom na razliku u iznosu naknade za rad predsjedavajućem, članovima Nezavisnog odbora i sekretaru Nezavisnog odbora, što je jednoglasno podržano.

Predsjedavajući Adis Šečić je zaključio rad 24. sjednice Nezavisnog odbora u 17:40 sati.

IV- AKTIVNOSTI NEZAVISNOG ODBORA SKUPŠTINE KANTONA SARAJEVO KOJE SU OBILJEŽILE IZVJEŠTAJNI PERIOD

- Na sjednici održanoj dana 20.07.2023. godine, članovi Nezavisnog odbora upoznati su sa Odlukom Vlade Kantona Sarajevo o imenovanju policijskog komesara Ministarstva unutrašnjih poslova Kantona Sarajevo broj: 02-04-29347-15/23 od 22.06.2023. godine, koja je objavljena u „Službenim novinama Kantona Sarajevo“ broj: 28/23 od 29.06.2023.godine;
- Nezavisni odbor je u izvještajnom periodu aktivno pratio realizaciju Zaključka Skupštine Kantona Sarajevo, a koja se odnosi na obaveze Uprave policije i Policijskog komesara, a koje je Skupština Kantona Sarajevo donijela na Prvoj hitnoj sjednici održanoj 09.06.2023.godine (sigurnost u saobraćaju);
- Nezavisni odbor je na 22. Sjednici Nezavisnog odbora održanoj dana 31.10.2023. godine, usvojio, te u skupštinsku proceduru poslao Izvještaj o radu Nezavisnog odbora za period januar-juni 2023. godine;
- Nezavisni odbor je temeljem navoda koje je zaprimio putem anonimne žalbe od dana 29.10.2023. godine, u skladu sa svojim nadležnostima pratio postupak unapređenja policijskih službenika, te tražio od Policijskog komesara da dostavi detaljnu informaciju o kompletnoj proceduri za unapređenje policijskih službenika u čin “Inspektor” od dana formiranja komisije, do dana izvještavanja;

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period juli-decembar 2023. godine.

Broj: 01-04-101-34 /24
Sarajevo, 30.10.2024. godine


**PREDSEDVAJUĆI
NEZAVISNOG ODBORA**
Adis Šečić




Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

23/23

